

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea
Obtinenda Requisitis ...

Leuren, Peter

Coloniæ Agrippinæ, 1704

87. Quandonam Capellaniæ præsumantur esse beneficia.

[urn:nbn:de:hbz:466:1-74477](#)

CAPUT TERTIUM.

De Cappellaniis, Vicariis, Parochiis.

Cum de qualitatibus beneficii simplicis & duplicitis in genere speciale nihil occurrat,
quod non commodius explicetur, agendo de eorum singulis in specie, immediate
ad eorum species transimus.

PARAGRAPHVS I.

De Cappellaniis.

Quæstio 85. Vnde nomen & origo Capelle & Capellaniae : qualiter inter se differant ; quid Capellanus, & qui hoc nomine veniant ?

1. Respondeo ad primum : tentoriolum , quod in castris erigebant Francorum Reges, ut in eo res divina perageretur, reponerenturq; SS. Reliquia, quas secum ad pralia procedentes deferabant, appellabatur Cappella, à Cappa, tegumenti genere, quo coniectum erat : hinc nomine Capellæ ad ius Canonicum traducto modò significatur altare in æde sacra exstructum ; modò Oratorium seu sacra ædicula à templo sejuncta, aliquando oratorium extra templum quidem positum, sed ipsi templo annexum seu adhaerens ; aliquando locus sacer in templo Cancillis clausus, & separatus unum aut plura altaria continens ; unde & in iure Canonico extat titulus de Capellis monachorum. Azor. p. 2. l. 3. c. 8. q. 2.

2. Respondeo ad secundum : Cappellam à Capellania sic distingui, ut Cappella nomine magis propriè veniat altare in aliqua æde sacra ab aliis altaribus sejunctum; vel etiam, ut Felin. tr. 4. c. 1. n. 15. ædicula Ecclesiæ adhaerens: unde litera Apostolica defervientem Cappelle vocant rectorem Capellæ, defervientem verò dicto tali altari Cappellatum in sacra æde. N. Barb. l. 3. juris Ecclesiast. c. 5. n. 5. Azor. loc. cit. c. 1. q. 5. in fine.

3. Respondeo tertio : uti olim sacerdotes dicto tentoriolo castrensi praefecti dicebantur Capellani, ita & modò dicuntur Cappellani, qui oratoriis illis vel altaribus defervient statim diebus in illis Sacra faciendo, prout Cappella institutio postulat. Azor. cit. c. 8. q. 2. Non tamen vox Capellanus semper sacerdotem significat. Lott. l. 2. q. 47. n. 60. de quo, ubi examinabitur, qua Capellania sint sacerdotales ; et si alias veniant Cappellani Ecclesiæ alicujus, etiam in qua Canonici sunt, appellatione presbyterorum & beneficiatorum ejusdem. Lott. l. 1. q. 15. n. 26.

Quæstio 86. Quæ Cappellania sint, & quæ non sint verum beneficium Ecclesiasticum?

1. Respondeo primò in genere: quotiescumque Cappellania ercta & dotata est auctoritate Episcopi, est verum beneficium. Gloss. communiter recepta in Clement. 2. de decimis. V. beneficiorum. Selv. & alii passim apud Azor. loc. cit. q. 3. Hinc Capellania, etiam ad nutum amovibiles accedente auctoritate Episcopi taliter instituta sunt vera beneficia. Garc. p. 1. c. 2. n. 82. Corrad. l. 1. c. 6.

n. 285. contra Barb. *de jure Ecclesiast.* l. 3. c. 5. n. 15. citantem pro se Navar. consil. 5. de preb. Sayr. Cavaler. &c. Addit tamen, si semel iterumque talis Cappellania manualis collata fuerit per Ordinarium, id solum sufficere, ut reputari & judicari debet beneficium Ecclesiasticum, citatque pro hoc Rebus. de pacif. posse. n. 349. Guidonem Papam &c. gaudetq; Capellanus ratione talis Capellaniae privilegio fori, et si esset tantum Clericus prime tonsuræ, juxta decret. Trid. sess. 23. c. 6. apud Garc. loc. cit. Vide dicta q. ultima. c. præced.

2. Respondeo secundò: Econtra quotiescumque Capella ercta non fuit auctoritate Episcopi, non erit verum beneficium juxta sepius dicta: hinc etiam Capellania ex ordinatione fundatoris esset perpetua & inamovibilis, haberet pro dote terras seu bona, maxime stabilia, non accedente ad ejus foundationem auctoritate Episcopi, non erit beneficium. Corrad. loc. cit. n. 28. Garc. l. n. 102. Verunque id est, etiam ad titulum illius sacris ordinibus initiaarentur illius possessores. Corrad. ibid. n. 44. quin imò etiam constaret fundatorem intendisse verè creare beneficium. Corrad. n. 53. ac denique etiam ipse Episcopus esset earum fundator, si fundavit eas tanquam laicos ex bonis propriis, non verò Episcopali auctoritate. Barb. loc. cit. n. 3. citans plures alios.

Quæstio 87. Quæ donum presumuntur Capellania esse beneficia?

Respondeo: ex onere præcisè administrationis seu faciendi celebrari missas, vel ex denominazione Capellania, non oriiri præsumptionem beneficii. Corrad. l. 1. c. 2. n. 22. De cetero in dubio Capellania præsumuntur beneficia. Barbos. loc. cit. n. 1. citans Gonz. &c. Garc. l. cit. n. 113. Corrad. l. 1. c. 2. n. 59. qui tamen addunt, id verum, si appearat de una collatione vel institutione Ordinarii; ac secus esse in claris, dum nimis laxum pronuntiatum Rebus. in pr. tit. quid sit beneficium. n. 8. In dubio Capella fundata ad servendum in ea Deo, licet non appearat de approbatione Episcopi, præsumitur beneficium Ecclesiasticum; proinde regulandum secundum illam doctrinam, quam tradit ex Aegidio n. 61. Porro necesse est, ut impertrans Capellaniam probet illam esse beneficium, ait Corrad. l. 1. c. 2. n. 36.

Quæstio